

პრეზიდენტის ბრძანება № 01-84

ქ. თბილისი

2026 წლის 15 მაისი

შპს „აღმოსავლეთ - დასავლეთ უნივერსიტეტის“ მედიცინის სკოლაში აკადემიური თანამდებობების დასაკავებელი ღია კონკურსის გამოცხადების შესახებ

„უმაღლესი განათლების შესახებ“ საქართველოს კანონის 32-ე მუხლის მე-2 პუნქტის, 34-ე მუხლის, 35-ე მუხლის 1-5 პუნქტების, მედიცინის უმაღლესი განათლების დარგობრივი მახასიათებლის, შპს „აღმოსავლეთ - დასავლეთ უნივერსიტეტის“ პრეზიდენტის 2025 წლის 11 თებერვლის N01-11 ბრძანებით დამტკიცებული შპს „აღმოსავლეთ - დასავლეთ უნივერსიტეტის“ დებულების, შპს „აღმოსავლეთ -დასავლეთ უნივერსიტეტის პრეზიდენტის 2025 წლის 11 თებერვლის N01-12 ბრძანებით დამტკიცებული „აღმოსავლეთ-დასავლეთ უნივერსიტეტის პერსონალის მართვის პოლიტიკის“ , შპს “აღმოსავლეთ-დასავლეთ უნივერსიტეტის“ წესდების 5.2 პუნქტის და შპს აღმოსავლეთ-დასავლეთ უნივერსიტეტის აკადემიური საბჭოს 2026 წლის 06 იანვრის N 02/26 სხდომის ოქმის საფუძველზე,

ვბრძანებ:

1.გამოცხადდეს ღია კონკურსი 2026 წლის 15 მაისიდან აღმოსავლეთ-დასავლეთ უნივერსიტეტის მედიცინის სკოლის „მედიცინის“ ინგლისურენოვანი საგანმანათლებლო პროგრამის განხორციელების მიზნით, სულ 18 სამშტატო ერთეულზე:

ა) **პროფესორი:** 4 სამშტატო ერთეული - 2 კლინიკური მეცნიერებების მიმართულებით, 2 სიცოცხლის შემსწავლელი მეცნიერებების მიმართულებით;

ბ) **ასოცირებული პროფესორი:** 8 სამშტატო ერთეული - 4 კლინიკური მეცნიერებების მიმართულებით, 4 სიცოცხლის შემსწავლელი მეცნიერებების მიმართულებით;

გ) **ასისტენტი- პროფესორი:** 4 სამშტატო ერთეული - 2 კლინიკური და 2 სიცოცხლის შემსწავლელი მეცნიერებების მიმართულებით;

დ) **ასისტენტი** - 2 სამშტატო ერთეული სიცოცხლის შემსწავლელი მეცნიერებების მიმართულებით;

2.კონკურსი უნდა შესაბამებოდეს გამჭვირვალობის, თანასწორობისა და სამართლიანი კონკურენციის პრინციპებს;

3.კონკურსში მონაწილეობის მისაღებად კანდიდატმა უნდა წარმოადგინოს ელექტრონულად შემდეგი სახის დოკუმენტები:

ა) პირადობის მოწმობის ასლი;

ბ) CV (რეზიუმე), სადაც მითითებული იქნება გამოქვეყნებული სამეცნიერო ნაშრომების ჩამონათვალი;

გ) უმაღლესი განათლების დამადასტურებელი დოკუმენტი;

დ) შესაბამისი სამეცნიერო, დოქტორის აკადემიური ხარისხი ან მასთან გათანაბრებული ხარისხის დამადასტურებელი დოკუმენტი (უცხოეთში მიღებული აკადემიური ხარისხის შემთხვევაში, კანდიდატმა უნდა წარმოადგინოს სსიპ განათლების ხარისხის განვითარების ეროვნული ცენტრის მიერ გაცემული დოკუმენტი უცხოეთში მიღებული განათლების აღიარების თაობაზე);

ე) ცნობა შესაბამისი კლინიკური საქმიანობის შესახებ.

ვ) ცნობა პედაგოგიური გამოცდილების შესახებ;

ზ)ლექციების ინგლისურ ენაზე წაკითხვის გამოცდილების დამადასტურებელი დოკუმენტი (არსებობის შემთხვევაში) ან ინგლისური ენის B2 დონის ცოდნის დამადასტურებელი საერთაშორისოდ აღიარებული სერტიფიკატი (IELTS, TOEFL, Cambridge English, UNICert, EnglishScore და სხვ.);

თ) სახელმწიფო სერტიფიკატი ნებადართულ კლინიკურ სპეციალობებში;

ი)შინაგან საქმეთა სამინისტროს მომსახურების სააგენტოს მიერ გაცემული ცნობა "სქესობრივი თავისუფლებისა და ხელშეუხებლობის წინააღმდეგ მიმართული დანაშაულის ჩადენისთვის ნასამართლეობის შესახებ" და ცნობა „უფლების ჩამორთმევის შესახებ“ (წინამდებარე პუნქტში მოხსენიებული ცნობების წარდგენა სავალდებულოა ამ ბრძანების მე-10 პუნქტის „გ“ ქვეპუნქტით განსაზღვრულ ეტაპზე გადასვლის შემთხვევაში);

4.კონკურსში მონაწილეობის მისაღებად დასაკმაყოფილებელი საკვალიფიკაციო მოთხოვნები განისაზღვროს შემდეგნაირად:

4.1.პროფესორის თანამდებობის დასაკავებლად კანდიდატს უნდა ჰქონდეს პედაგოგიური საქმიანობის გამოცდილება არანაკლებ 6 წელი, კლინიკური გამოცდილების სულ მცირე ბოლო 9 წელი (კლინიკური მიმართულების პროფესორის შემთხვევაში).

4.2.ასოცირებული პროფესორის თანამდებობის დასაკავებლად კანდიდატს უნდა ჰქონდეს პედაგოგიური საქმიანობის გამოცდილება არანაკლებ 3 წელი, კლინიკური გამოცდილების სულ მცირე ბოლო 5 წელი (კლინიკური მიმართულების ასოცირებული პროფესორის შემთხვევაში).

4.3.ასისტენტ-პროფესორის თანამდებობის დასაკავებლად კანდიდატს უნდა ჰქონდეს კლინიკური საქმიანობის გამოცდილების სულ მცირე ბოლო 3 წელი (კლინიკური მიმართულების ასისტენტ-პროფესორის მიმართულების შემთხვევაში).

4.4.ასისტენტის თანამდებობის დასაკავებლად შეირჩევა დოქტორანტი საკვლევი თემის მიმართულებით;

4.5. წინამდებარე პუნქტის 4.1 – 4.4 ქვეპუნქტებით გათვალისწინებული აკადემიური თანამდებობების დაკავების შესაძლებლობა აქვთ პროფესიული ნიშნით კვალიფიციურ კანდიდატებს. ამ შემთხვევაში პირის კვალიფიკაცია შეიძლება დასტურდებოდეს პროფესიული გამოცდილებით, სპეციალური მომზადებით ან/და პუბლიკაციებით. შესაბამისი კვალიფიკაციის მქონედ ითვლება პირი, რომელსაც აქვს პროგრამით გათვალისწინებული სწავლის შედეგების გამომუშავებისათვის აუცილებელი კომპეტენცია.

5.კონკურსში მონაწილე კანდიდატთა განაცხადების შეფასება მოხდება უნივერსიტეტის პრეზიდენტის ბრძანებით შექმნილი საკონკურსო კომისიის მიერ.

6.მიენიჭის უფლება საკონკურსო კომისიას კონკურსის მსვლელობისას, ერთობლივი გადაწყვეტილებით, პროფესიული ნიშნით აკადემიურ თანამდებობებზე შეირჩეს დარგის /მიმართულების მიხედვით, მნიშვნელოვანი პროფესიული გამოცდილების მქონე კანდიდატი(ები).

7.საკონკურსო განცხადება გამოქვეყნდეს უნივერსიტეტის ოფიციალურ ვებ-გვერდზე, <https://eastwest.edu.ge> და www.jobs.ge-ზე.

8.საკონკურსო განცხადებების მიღება იწარმოოს აღმოსავლეთ-დასავლეთ უნივერსიტეტის ადამიანური რესურსების მართვისა და საქმის წარმოების სამსახურში ელექტრონულად შემდეგ მისამართზე: HR@eastwest.edu.ge.

9.კონკურსანტთა მიერ გამოგზავნილი საკონკურსო დოკუმენტები დამუშავდეს „პერსონალურ მონაცემთა დაცვის შესახებ“ საქართველოს კანონით განსაზღვრული წესის შესაბამისად, მხოლოდ წინამდებარე ბრძანებით განსაზღვრული მიზნობრიობით.

10. კონკურსის ვადები განისაზღვროს შემდეგნაირად:

ა) საკონკურსო დოკუმენტების მიღება: 2026 წლის 15 ივნისიდან 2026 წლის 16 ივნისის 18:00 საათამდე;

ბ) საკონკურსო კომისიის მიერ კონკურსანტთა დოკუმენტაციის შესწავლა-პირველადი შეფასება: 2026 წლის 17 – 19 ივნისი;

გ) დოკუმენტაციის შედეგად შერჩეულ კონკურსანტებთან გასაუბრება: 2026 წლის 22-25 ივნისი;

დ) კონკურსის შედეგების გამოქვეყნება: 2026 წლის 26 ივნისი;

ე) საჩივრების მიღება: 2026 წლის 29 ივნისი;

ვ) საჩივრების განხილვა: 2026 წლის 30 ივნისი;

ზ) საბოლოო გადაწყვეტილების მიღება და კონკურსის საბოლოო შედეგების გამოცხადება: 2026 წლის 1-ელი ივლისი.

11. კონკურსის შედეგები გამოცხადდეს უნივერსიტეტის ოფიციალურ ვებ-გვერდზე - <https://eastwest.edu.ge> ამ ბრძანებით განსაზღვრული ვადის დაცვით.

12.დაევალოს აღმოსავლეთ-დასავლეთ უნივერსიტეტის საინფორმაციო ტექნოლოგიებისა და მატერიალური რესურსების მართვის სამსახურს, ამ ბრძანების უნივერსიტეტის ოფიციალურ ვებ- გვერდზე განთავსება.

13. დაევალოს აღმოსავლეთ-დასავლეთ უნივერსიტეტის ვიცე-პრეზიდენტს მედიცინისა და ჯანდაცვის მეცნიერებების მიმართულებით კონტროლი აღნიშნული ბრძანების შესრულებაზე;
14. ბრძანება ძალაშია ხელმოწერისთანავე;
15. ბრძანება შეიძლება გასაჩივრდეს მისი გამოცემიდან ერთი თვის ვადაში თბილისის საქალაქო სასამართლოში (მის: ქ. თბილისი, დავით აღმაშენებლის ხეივანი №64).

გიორგი ხუროძე,

აღმოსავლეთ-დასავლეთ უნივერსიტეტის პრეზიდენტი

